

*Tragopogon capensis.* Jacqu. collect. 2. p. 320. ic. t. 577.

In Dalmatiae, Istriae maritimae cultis, in incultis. Fl. Majo, Junio.

*Radix ramosa, biennis. Caulis erectus, ramosus, pilis albis rigidisque obsitus. Folia sessilia, vel integra aut runcinata, acutiuscula, dentibus spinula terminatis instructa. Pedunculi ad apicem incrassati. Anthodium oblongum, octopartitum: laciniis lanceolatis, acutis, setis rigidis, aculeiformibus exasperatis. Corolla flava. Semina incurva, scabra. Pappi stipes setulis minimis obductus.* Jacquin l. c.

**SCORZONERA.** Receptaculum nudum. Pappus plumosus, substipitatus. Anthodium factum e foliolis imbricatis, margine scariosis.

*austriaca.* 1. S. caule unifloro foliolisque anthodii glabris; foliis lineari-lanceolatis. Willd. sp. 3. p. 1498.

*Scorzonera humilis.* Jacqu. austr. t. 36. Host syn. p. 420.

*Scorzonera humilis latifolia pannonica secunda.* Clus. hist. p. CXXXVIII.

In rupestribus, saxosis, collibus aridis Austriae, Hungariae. Fl. Aprili, Majo. Per.

*Radix longa, multiceps. Caulis palmaris aut pedalis, fistulosus, foliis paucis, brevibus vestitus. Folia ex glauco virentia, utrinque angustata, margine undulata, nervosa, latitudine admodum varia in diversis, vel ipsis etiam iisdem individuis; radicalia conferta. Anthodii foliola apice fusciscentia. Petala lineata sulfurei sunt coloris.*

*Tota planta scatet lacte glutinoso, candido, ad aëris attactum colorem aurantiacum induente.* Jacquin l. c.

*humilis.* 2. S. caule subunifloro foliolisque anthodii lanatis, foliis oblongo-lanceolatis nervosis planis. Willd. sp. 3. p. 1499.

*Scorzonera angustifolia.* Jacqu. en. 1. p. 140. Host syn. p. 422.

*Scorzonera humilis angustifolia pannonica tertia.* Clus. hist. p. CXXXVIII.

In pratis humidis, sylvaticis, inter frutices. Fl. Majo, Junio. Per.

*Caulis, petioli, anthodii foliola lanugine candida, decidua teguntur. Folia latitudine variant ita, ut saepe in eodem individuo lanceolata mixta cum linearibus observentur.*

*hispanica.* 3. S. caule ramoso, foliis amplexicaulibus integris ad basin subserrulatis. *Willd. sp. 3. p. 1499.*

Scorzonera major hispanica prima. *Clus. hist. p. CXXXVII.*

Scorzonera major pannonica prima. *Clus. hist. p. CXXXVIII.*

In Austriae, Hungariae sylvaticis. Fl. aestate. Per.

*parviflora.* 4. S. caule ramoso basi folioso, foliis lanceolato-ensiformibus nervosis, radio corollae anthodii foliolis brevior. *Willd. sp. 3. p. 1500. Jacqu. austr. t. 305.*

In Hungariae palustribus, ad lacus. Fl. aestate. Per.

*Tota planta glabra est. Radix teres, lacte glutinoso, subochroleuco, et amaricante turgida, per aetatem multiceps. Caules in orbem positi inferne procumbunt; hinc adscendunt. Folia radicalia angusta, subnervosa, integerrima oriuntur ex petiolo canaliculato; caulina pauca et amplexantia ex alis promunt ramulos erectos et unifloros, aut paucifloros. Anthodii foliola glauca, nitida ad apicem fuscescunt, et in fructu elongantur. Corolla parva, flava. Corollulis subsunt setae quinque pappo breviores; primo erectae; dein patentes. Jacqu. l. c.*

*dalmatica.* 5. S. foliis linearibus glabris, caule hirsuto, anthodii foliolis cuspidatis.

In Dalmatia in insula *Lissa*. *Portenschlag*. Fl. Majo, Junio. Per.

*Caulis striatus, hirsutus, superne aphyllus, apicem versus incrassatus. Folia sunt glabra, linearia, apicem versus angustissima et varie torta. Anthodii foliola membranacea, hirsuta, in cuspidem longam attenuata.*

*rosea.* 6. S. foliis lanceolato-linearibus serrulatis, caule unifloro. *Willd. sp. 3. p. 1502. Waldstein et Kitaibel ic. t. 121.*

Scorzonera purpurea. *Scop. carn. 2. p. 96. t. 46.*

Scorzonera graminifolia. *Host syn. p. 421.*

In herbidis alpinis, subalpinis Carnioliae, Croatiae, Hungariae, Transylvaniae. Fl. Julio, Augusto. Per.

*Radix fusiformis, succo lacteo, amaricante turgida. Caulis erectus, teres, simplex, aut tantum ad basin ramosus. Folia subcanaliculata, ad oras serrulata. Anthodium oblongum, angulatum, sublanatum; anthodii foliola exteriora sunt sub apice denticulo acuto instructa. Corollulae pallide roseae. Semina oblonga, sulcata, superne ad angulos denticulata, exteriora incurva.*